



04. November. 2018

UKA 2018/43

Atassut

Aqqaluk Heilmann

Ujaqqanik pinneraasiornermik ingerlatsisut misilittagaannik ilanngussisumik nassuiaammik, inuussutissarsiornermik ingerlatsereersut akornanni, aallartitsisussani kiisalu annikitsumik aatsitassarsiornermik akuersissutinik piginnittut nalilinnik annertunerusumik kaaviiartitsinissamat sulisuminnillu amerlisaanissamat aaqqissuussaannikkut aammalu inatsisitigut aporfissat suunerannik kingusinnerpaamik UKA2019-imi Naalakkersuisut saqqummiussinissaat pillugu Inatsisartunut aalajangiiffigisassatut siunnersuut. Aporfittut suussusersineqartut qanoq ililluni piujunnaartinnissaannut sapinngisamilluunniit aporfiiit annikinnerpaamiitinnissaannut siunnersuummik nassuiaat imaqassaaq.

(Inatsisartunut ilaasortaq Aqqaluaq B. Egede, Inuit Ataqatigiit)

Siullermik qujavugut siunnersuuteqartumut.

Nunatsinni ujaqqat pinneraasiarineqarsinnaasunik aammalu annikitsumik aatsitassarsiornermik akuersissutinik pigisaqartunut, ullumikkut taakkununga atugassarititaasut pitsanngorsaqqinnissaannut iliuseqarnissaq isumassarsiatsialaavoq.

Nunarput qeqertaq angisoorsuuvoq, naatsorsuutigineqarsinnaavorlu ujarassiornikkut aatsitassarsiornikkullu pissutsip annertusiartortikkaanni tamanna inuiaqatigiinnut annertuumik suliffissaqartitsilluni iluaqutaasinnaasoq.

Taamaattumik nunatta aningaasarsiorniarneranut iluaqutiginiarsinnaasagut ineriartoqqinnissaannut tapersersuisariaqarpugut iluaqutissatut neriunnermik pigisaqarfitsinni.

Sanaluttartut pinneraasiortartullu amerlapput, taakkua atungarisaasa sinerissami iliuseqarfialugit pitsanngorsarsinnaaneri soqutiginartuuvoq.

Assersuutigalugu. Sumiiffiit ilaanni ujaqqanik pinneraasiortartut ujaqqanik pinneraasiarisinnaasaminnik amingaateqartillugit amingaatigineqartoq pissarsiarineqarsinnaaneranut aqqutissaqartariaqarpoq.

Taamatullu pequtiniq sanaartorsinnaasut soorlu nerrivinnik, igalasserfinnik, aqqusernup sinaani issiavinnik, il.il ineriartortinneqarsinnaanerinut periarfissanik pilersitseqataasinnaassuseqartariaqarpugut.

Ullumikkut takuneqarsinnaapput maani Nuummi pinneraasiat ujarappassuit sananeqarnikuusumasut illoqarfimmut kusassaataallutik inissisimasut.

Taamaattumik Atassummiit siunnersuut taperserparput, suliarilluarneqarnissaalu kissaatigalutigu ataatsimiititaliamut innersuupparput.